

Թեստ 3

1-12-րդ առաջադրանքները կարող են ունենալ ճիշտ պատասխանի մեկ կամ մի քանի տարբերակ

1. Ընդգծված է-ն արտասանվում է չէ

- 1) փութեռանդ
- 2) այծեղջյուր
- 3) անեղևույթ
- 4) ամենաեղկար

բառում:

2. Բոլոր բառերի բաց թողած տեղերում միևնույն տառը գրվող շարքն է (փակագծերում նշվածներից որևէ մեկը)

- 1) անե...ք, լացուկո..., ծվա...եղ (ծ կամ ց)
- 2) դա...ար, խոր...ուբորդ, ըն...անալ (դ կամ թ)
- 3) ար...ունք, խա...ուսիկ, խարխա...ել (բ կամ փ)
- 4) ա...փոփել, կշտա...բել, հա...պատրաստից (մ կամ ն)

3. Հատուկ անունների բոլոր բաղադրիչները մեծատառով գրվող շարքն է՝

- 1) ԵԶՆԻԿ ԿՈՂՐԱՅԻ, ՓՈՔՐ ՄԱՍԻՍ, ԱՆԿՏԱՆԳՈՒԹՅԱՆ ԽՈՐՀՈՒՐԴ
- 2) ԿՐԱՍՏԱՆԻ ՀԱՆՐԱՊԵՏՈՒԹՅՈՒՆ, ԴՈՆԻ ՌՈՍՏՈՎ, ՊԱՐՋ ԼԻՃ
- 3) ԽՆԿՈՒՄԵՐ, ՆՈՐ ԶԵԼԱՆԴԻԱ, ՇԿԵԴԻԱՅԻ ԹԱԳԱՎՈՐՈՒԹՅՈՒՆ
- 4) ԼԱՏԻՆԱԿԱՆ ԱՄԵՐԻԿԱ, ՆՈՐԵԼՅԱՆ ՄՐՑԱՆԱԿ, ՍՅՈՒՆԻՔԻ ՄԱՐԶ

4. Դարձվածային իմաստ ունեցող բառակապակցությունների շարք է՝

- 1) ականջը գցել, այգին ջրել
- 2) բախտը ժպտալ, արագ քայլել
- 3) գլուխ հանել, վերքը փաթաթել
- 4) կաշին փրկել, հացը կտրել

5. Բարդածանցավոր բառերի շարք է՝

- 1) երկաթուղային, բաղադրիչ, թոքախտավոր
- 2) ուղեկցուհի, բնօրրան, ամպիոժանի
- 3) փլավքամիչ, իննսունական, ողբերգակ
- 4) քաղաքավարություն, ամանորյա, բնորդուհի

6. Համանունների շարք է՝

- 1) ծանր տոպրակ-ծանր աշխատանք
- 2) զուր-ապարոյուն, զուր-ավելորդ
- 3) մատաղ անել-մատաղ սերունդ
- 4) ժայռի ձեղք-դռան ձեղք

7. Բյուրավոր ժողովների բույրը տարածվել էր անդնդախոր կիրճերում, ուր լեռնաշղթաներից թավալվոր գահավիժում էին ականակիտ աղբյուրները նախադասության մեջ կա

- 1) մեկ
- 2) երկու
- 3) երեք
- 4) չորս

ածական:

8. Որոշյալ դերանուն կա

- 1) Ո՞ւր են վագում ծեր ու ջահել, Մարդկանց այս ի՞նչ է պատահել...
- 2) Ո՞ւր էլ լինեմ, չեմ մոռանա, ես ողբածայն երգերը մեր:
- 3) Ո՞նց է ժպտում իմ հոգին Չարին, բարուն՝ ամենքին...
- 4) Ի՞նչ են տարել նրանք կյանքից, թե ի՞նչ տանես դու քեզ հետ...

հատվածում:

9. Պարզ բայերի (առանց բայական ածանցի) շարք է՝

- 1) գաղթել, մոռանալ, կտրտել
- 2) բացատրել, մարտնչել, խաղալ
- 3) փախչել, աղալ, պատմել
- 4) սովորել, կանչել, ժանգոտել

10. *Ինչպես էր ընկել այդ ամայի վայրը*

նախադասության քերականական և տրամաբանական շարունակության տարբերակն է՝

- 1) չէ՞ որ չէր հիշում, թե մինչ այդ որտեղ էր եղել:
- 2) որ չէր նկատել ճանապարհից շեղվելը:
- 3) այդ նույն ճանապարհով էլ դուրս պիտի գար:
- 4) այդպես էլ դժվարանում էր պատասխանել:

11. Փոխաբերություն պարունակող հատված է՝

- 1) Փայտահատը հին երգն է կրկնում,
Եվ տաք սղոցն իր յուղում էր կրկին...
- 2) Շուրջս վառված է մի անուշ տազնապ,
Մի նոր հուզում է սիրտս մրրկում:
- 3) Դե իմ անունով երգվի՛ր, անզգա՛մ,
Որ էլ Սարոյին դու չես սիրելու...
- 4) Մոլորված ամպին իր քիվն է տալիս,
Խրտնած քարայծին՝ մութն իր քարայրի:

12. Կետադրական սխալ կա

- 1) Վերևում երկնքի կապույտներում, փրփուրի նման ճերմակ ամպեր էին սահում:
- 2) Եփրատի ալիքները բարձրանում էին՝ սպառնալով մարդկանց ու ձիերին:
- 3) Արարատյան դաշտի վրա վետվետում էին արևի շողերը՝ տաք, դուրեկան:
- 4) Աստղերի բույլերը բազմացան այնքան, որ թվում էր երկինքը հյուսված է միայն աստղերից:

նախադասության մեջ:

13-16-րդ առաջադրանքներում գրի՛ր պատասխանը

13. Նախադասությունները դասավորի՛ր տրամաբանական հաջորդականությամբ:
Գրի՛ր միայն նախադասությունների համարները:

1. Այդ հարվածները լսվում էին երբեմն կարճ և երբեմն երկար ընդհատումներով, և սպիտակ քարը փշրվում էր և թափվում գետնին:
2. Հովնաթանը քանդակում էր ամեն օր. լուսաբացից մինչև մայրամուտ լսվում էին նրա մուրձի հարվածները խուլ և խորը, ինչպես սրտի բաբախյուններ:
3. Աշխատանոցը հետզհետե սկսեց շնչել ֆիզուրների բազմությամբ, սկզբնական օրերի ամայությունը լցվեց կենդանի շնչով, պատերի առաջ, դարակներին, ամեն կետում քարե ու կավե արձաններ շարվեցին:
4. Հովնաթանը աշխատում էր ոչ միայն սպիտակ քարի վրա, քանդակում էր նաև կավից:

Պատասխան _____

14. Գտի՛ր նախադասության մեջ թույլ տրված բառագործածության սխալը և ուղղի՛ր:

Ամերիկայի Միացյալ Նահանգների և Ռուսաստանի պաշտոնական հանդիպումները անարդյունավետ անցան:

Պատասխան սխալ է՝ _____
պետք է լինի _____

15. Գտի՝ ը նախադասության մեջ թույլ տրված քերականական սխալը և ուղղի՝ ը:

Ամբողջ հարստությունը ծնողները հավասարապես կտակել են իրենց երկու որդիների վրա:

Պատասխան՝ սխալ է _____
պետք է լինի _____

16. Տրված բառերը տեղադրի՝ ը բաց թողնված տեղերում՝ ենթարկելով համապատասխան փոփոխությունների:

Ղա մի , գեղեցկատես, կազմվածքով երիտասարդ էր, ձեռքերն ու ոտքերը
էին, կլիներ քսանհինգ-քսանվեց տարեկան:

(1. հիանալի, 2. արտաքուստ, 3. մկանուտ, 4. բարձրահասակ)

Պատասխան՝ 1.----- 2.-----
3.----- 4.-----

17-32-րդ առաջադրանքները կատարի՝ ը ըստ տեքստի

Կարդա՝ տեքստը և կատարի՝ ը առաջադրանքները:

I

1. Հեռու- հեռու՝ հրաշեկ անապատներից այն կողմ, մի բարեպաշտ արաբուհի էր ապրում, որը երկար ժամանակ էր՝ գավակ չունեի: 2. Ամենօրյա աղոթքներով աղերսում էր Տիրոջը, բայց, ավա՜ղ, մայրանալու վսեմ բաղձանքը մնում էր անկատար:

3. Մի գիշեր երազ տեսավ. սպիտակափրփուր ամպերից երևաց ձերմակամորուս մի ծերունի՝ գլխին շողարձակող լուսապսակ, ու բարբառեց. «Գտի՝ ը Տիգրանակերտ ավանը, այնտեղ հինավուրց մի վանք կա...»:

4. Ասաց ու աներևութացավ:

5. Կինը մի լուսնկա գիշեր բոլորից գաղտնի հեռացավ տնից. ուխտել էր բոկոտն հասնել այն վանքը:

6. Բարկ արևից շիկացած ավազուտներն այրում էին, փշերն արնոտում էին բոբիկ ոտքերը:

7. Ծարավից տոչորվող շուրթերը չորացել էին, դեմքը՝ արևայրուքից ճաքճքել:

8. Տանջալուկ կինը ուժասպառ հենվեց քարին, փակեց այտուցված կոպերը. թվաց՝ մեռնում է, բայց տեսիլքը կրկին հայտնվեց ու շնչաց՝ դիմացի՝ ը: 9. Նոր ուժ առած՝ կինն սկսեց քայլել:

10. Առավոտյան, երբ վաղորդայնի շամանդաղն սկսեց տարրալուծվել, և հեռվում տարրորշվեցին երկնապլաց լեռները, սիրտը թրթռաց կրծքի տակ. նա տեսավ վանքը:

II

1. Անցան ամիսներ: 2. Ոխտը կատարվեց: 3. Նորաթուխ մանկան հետ մկրտվելով վանքում կինը քրիստոնյա օծվեց:

4. Լուրը հասավ արաբներին, որոնք, վրիժառության մոլուցքով բռնված, երդվեցին սպանել հավատափոխ արաբուհուն:

5. Կինը փրկություն աղերսեց Տիրոջից, և Աստված լսեց նրա ձայնը. սարն ի վեր մագլցող արաբների վրա հարձակվեցին օձերի վտառները՝ մահացու խայթելով բոլորին:

6. Կինը վանքի խնկաբույր պատերի մեջ քարե օրորոցում, մեծացրեց իր որդուն:

7. Ասում են՝ այդ օրից՝ սարի անունը մնաց Օրորոցասար:

17-20-րդ առաջադրանքներում գրի՛ր պատասխանը

17. I հատվածից դու՛րս գրիր մառախուղ բառի հոմանիշը:

Պատասխան _____

18. I հատվածից դու՛րս գրիր մեկ ենթակայական դերբայ:

Պատասխան _____

19. I հատվածի 1-ին նախադասությունից դու՛րս գրիր բաղադրյալ ստորոգյալը:

Պատասխան _____

20. I հատվածից դու՛րս գրիր մեկ բառ, որում հնչյունափոխություն կա:

Պատասխան _____

21-25-րդ առաջադրանքները կարող են ունենալ ճիշտ պատասխանի մեկ կամ մի քանի տարբերակ

21. I հատվածի 10 նախադասությունը բաղկացած է

- 1) 2
- 2) 3

- 3) 4
- 4) 5

պարզ նախադասությունից:

22. I հատվածում կապ խոսքի մաս պարունակող նախադասություն է՝

- 1) 5
- 2) 7

- 3) 8
- 4) 10

23. II հատվածում միջադաս դերբայական դարձվածով նախադասություն է՝

- 1) 3
- 2) 4

- 3) 5
- 4) 6

24. Մակբայ պարունակող նախադասություն է՝

- 1) I. 7
- 2) II. 3

- 3) I. 8
- 4) II. 6

25. Շաղկապի գեղջում կա

- 1) I. 2
- 2) I. 3

- 3) II. 6
- 4) II. 7

նախադասության մեջ:

26-29-րդ առաջադրանքներում գրի՛ր պատասխանը

26. II հատվածից գրի՛ր բացահայտիչ պարունակող նախադասության համարը:

Պատասխան _____

27. II հատվածից դու՛րս գրիր գործիական հոլովով գործածված մեկ անորոշ դերբայ:

Պատասխան _____

28. I հատվածից դու՛րս գրիր բացառական հոլովով դրված մեկ գոյական:

Պատասխան _____

29. Գրի՛ր I հատվածի 8 նախադասության *քարին* բառի պաշտոնը:

Պատասխան _____

30-32-րդ առարադրանքները կարող են ունենալ ճիշտ պատասխանի մեկ կամ մի քանի տարբերակ

30. Տեքստից չբխող կամ նրա բովանդակությանը հակասող միտքն է՝

- 1) Հրաշեկ անապատներից այն կողմ մի բարեպաշտ արաբուհի էր ապրում, որը զավակ չուներ:
- 2) Ծերունու խորհրդով նա գնում է Տիգրանակերտ ավանում գտնվող հինավուրց վանքը:
- 3) Կնոջ բաղձանքը կատարվում է, նորաթուխ մանկան հետ վանքում մկրտվում է, քրիստոնյա օծվում:
- 4) Կրիժառու արաբները հավատափոխ արաբուհուց վրեժ են լուծում:

31. *Կինը մի լուսնկա գիշեր բուրդից գաղտնի հեռացավ տնից. ուխտել էր բոկոտն հասնել այն վանքը*

նախադասության անդամներից որի՞ ձևաբանական վերլուծության մեջ սխալ կա:

- 1) գիշեր - գոյական, անորոշ առում
- 2) մի - անորոշ դերանուն
- 3) բոկոտն – որակական ածական
- 4) հեռացավ – վաղակատար անցյալ

32. *Բարկ արևից շիկացած ավազուտներն այրում էին, փշերն արնոտում էին բոբիկ ուտքերը*

նախադասության մեջ ընդգծված բառի կատարած պաշտոնն է՝

- 1) ներգործող խնդիր
- 2) հանգման անուղղակի խնդիր
- 3) վերաբերության խնդիր
- 4) ուղիղ խնդիր